



NORMAS PARA AS FAMILIAS

ENTRADAS E SAÍDAS

- O pai/nai/titor legal que acudan ao centro excepcionalmente para realizar calquera xestión, terá que permanecer na secretaría e non deambular polos corredores do centro.
- No caso de que o pai/nai o titor legal non poda recoller ao alumnado deberán cumprimentar o documento facilitado na secretaría do centro para autorizar a recollida do alumnado por terceiras persoas.
- O alumnado que non utilice o transporte escolar, entrará no centro ás 09:35 h.
- A entrada e a saída deste alumnado, veña camiñando ou en coche particular será pola porta lateral do patio cuberto. Ás 9:45 h pecharase este acceso e os alumnos/as.
- O alumnado que chegue fora do horario de entrada, acompañados polos seus pais/nais, cubrirán un impreso na secretaría (o retraso ten que ser xustificado).
- Os titores poranse en contacto coas familias que non sigan este procedemento e no caso de tres faltas de puntualidade informarán á Xefatura de Estudos, que solicitará das familias unha xustificación das mesmas.
- Nas entradas e saídas, os coches particulares dos familiares dos alumnos non poderán acceder ao espazo reservado para o aparcamento do persoal de administración e servizos e do profesorado. O alumnado non poderá entrar neste horario pola porta principal, agás en casos excepcionais, debidamente xustificadas.
- O alumnado que utilice o transporte escolar entrará no recinto inmediatamente despois de baixar do autobús.
- A saída do alumnado que non utilice transporte nin comedor realizarase pola porta lateral e o resto do alumnado seguirá as indicacións do profesor de garda.
- Aqueles que sexan usuarios do transporte escolar e non vaian utilizar este servizo nalgún momento, deberán cubrir o impreso que a tal efecto se facilitará na secretaría.
- O alumnado que sexa usuario de comedor deberá ser recollido pola pai/nai/titor legal ou persoa autorizada unha vez rematado o servizo de comedor sendo ás 15:45 h a hora límite.

COMEDOR ESCOLAR

Dende o equipo directivo queremos recordaros que se deben cumprir as **NORMAS DE FUNCIONAMENTO DO COMEDOR**.

A continuación relacionamos algúns hábitos incorrectos que deben subsanarse:

- O alumnado que usa o servizo de comedor é responsabilidade do centro, polo que **NUNCA** os alumnos/as poden marchar do citado comedor sen solicitar **PERMISO** á persoa responsable do mesmo. Evitarase así, que as familias leven aos nenos/as sen avisar.
- Para o alumnado de EI recoméndase que sexa sempre a mesma persoa a encargada de recollelo. No caso de haber algún tipo de cambio, deben comunicar dita circunstancia á encargada de comedor.

Os usuarios/as do servizo de comedor escolar que durante o prazo dun mes de xeito continuado non fagan uso do citado servizo coa frecuencia solicitada, causarán automaticamente baixa no servizo, agás causas debidamente xustificadas polos usuarios/as ante a dirección do respectivo centro educativo.

Os/as usuarios/as do servizo do comedor escolar que en tres ocasións non comuniquen a súa ausencia antes das 10:00 h do día que deba ter efecto, poderán ser suspendidos pola dirección do dereito ao uso do servizo durante 10 días.

Neste curso temos 2 quendas de comedor:

EI E EP: 14:35 h a 15:05 h

ESO: 15:05 h a 15:35 h

TRANSPORTE

O alumnado do CPI de Atios cuxo domicilio estea situado a unha distancia do centro escolar inferior a 2 km e superior a 1 km en zona urbanizada e 500 m en zona non urbanizada.

Este alumnado non obستا a condición de usuario lexítimo do transporte escolar pero é posible concederlle unha autorización excepcional.

As autorizacións excepcionais serán expedidas pola Xefatura Territorial.

A vixencia das autorizacións excepcionais comprenderá unicamente o curso escolar 2024-25. O feito de obter estas autorizacións excepcionais non lles outorga aos seus beneficiarios dereito ningún no futuro.

Un bo cumprimento das normas beneficianos a todos/as.



XUNTA DE GALICIA
CONSELLERÍA DE EDUCACIÓN,
CIENCIA, UNIVERSIDADES E
FORMACIÓN PROFESIONAL



CPI de ATIOS
Valdoviño

Avda. de San Sadurniño 33
15552 Valdoviño
Teléfono:881 938 107
cpi.atios@edu.xunta.gal

AXUDAS A ALUMNADO CON NECESIDADES EDUCATIVAS ESPECIAIS:

Xa están convocadas as bolsas para o alumnado no **NEAE**, o prazo finaliza o **13 de setembro**, os interesados/as teñen toda a información na secretaría do centro e na páxina web.